

北京大學日刊

(號六十五第)

部 令

教育部訓令第三十號

令北京大學

案查前據該校呈送擬具學生租賃宿舍辦法請知照警察廳宣布等情當經函請警察廳查照辦理去後茲准函稱准函送北京大學校擬定學生自賃宿舍辦法五條請查照辦理并希見覆等因除分行中一等區轉飭此項宿舍之房主遵照辦理外相應函復查照等因合亟令仰該校知照此令

教育總長傅增湘

校長布告

▲曠課退學

預科補習班學生邵濶祥曠課日久應令退學此示

本校布告

▲法文德文諸教員注意

本校法文教授會定於二十六日午後四時開會
本校德文教授會定於二十八日午後四時開會

北京大學啓

又

敬啓者法文教授會選舉主任日期已見昨報選舉結果及有何種討論均乞主任諸君略行記載即日交日刊登載至禱

北京大學啓

▲平時試驗照常進行

理本科各級學生唐鴻志等要求廢止平時試驗一函已提出於本月評議會議決

平時試驗不能廢止特此公布

北京大學布告

各科通告

▲文科學長告白

自下星期起本科英文甲乙兩班合稱甲班由梅殿華先生教授丙班改稱乙班由王啓常先生關應麟先生教授丁班改稱

丙班由徐伯軒先生教授戊班前學期考試分數八十分以上者均改稱丁班由王撫五先生教授不滿八十分者仍歸戊班應改丁班者如左

狄福鼎	樓巍	胡宗韶	黎壽昌
黃瑒	魯靜淵	彭仲鐸	吳甌
許本裕	鄧康	關魁偉	于濟澤
夏鍾秀	吳希伯	黃欣	林應運
劉敵	葉士良	蕭玉樓	

文本科外國語(英文)用書改正表

甲班

Reed's Highr Lessons in English.
Irving's Sketsh-Book.

乙班

Mother Tongue II.
Lamb's Tales.

丙班

Longman's Junior School
Composition.

Lamb's Tales.

丁班

Longman's Grammar.
Famous Stories.

戊班

Tenny's English Lessons.
Harpes' 4th Reader.

▲理科教務處告白

預科一年級甲班明日二十日馮先生補講博物暫行作罷俟另定日期再補其乙班仍補講此白

▲哲學門研究所啟事

本所現聘劉少珊講師任講老莊哲學下星期即可開始研究凡欲研究斯學者請速來本所報名爲盼
研究時間每星期四下午三半至四半

紀事

▲法科研究所財政學研究錄

第二次 臨時書記李芳

正月十七日上午十時半開財政學第二次研究會與會者爲

教員胡千之先生

研究員 蔣震龍 李振寰 李芳

胡先生謂前曾於研究會中陳述意見擬

先研究租稅並用共同研究之法應請諸

君發抒己見是否贊同當經研究員互商

均贊成其議

胡先生又言擇題方法當以有意味者爲善其鮮科學上意味者如關於財務行政之手續程序等稅吏知之較詳吾人有所不逮吾人所宜研究者爲學理上之設施租稅制度若何改良若何可以公平若何可以普及吾人得以學理衡之以決可否此則稅吏不逮吾輩矣何也行政官吏每以艱於改革不欲更張因循苟簡往往而然學者則否一旦認爲有改革之必要時無不毅然主張貫徹學理試觀各國一種制度之變遷固不遑端於學者之言論從可知矣

居今日之中國而言財政學實屬不易其故可得而言也學術之中約分二類其一新學如理工科諸學爲我國舊時所無學者得專從外來之說研究之無舊說混雜其間以亂吾腦其二舊學如經史國文之類純爲我國固有之學研究時無外來之說與爲異同財政學則不然舊制多悖學理不足信從外來之說又慮違國習蓋我國財政既有數千年之歷史決非專從外國制度所可收效而舊說多非根據學理措之實施動多乖隔故吾人研究我國財政之時不得不參酌中西權衡新舊以求適國情而無乖於學理此其所以難也我國財政學向未發達究其故多因自漢以後專崇儒術而學者復誤解孔子罕言利孟子不言利之旨遂致數千年來罕有研習之者實則周秦之際爲吾國財政學極發達時代爾時儒法兩宗競張其職即就儒家論之孔子言足食曰百姓足君孰與不足(當時君與國不分君字可作國字解)大學言生財有大道生之者衆食之者寡爲之者疾用之者舒則財恆足爲千古理財精義其學說常就國家財政人民經濟合盤打算極合最新社會政策之財政學因此於財政上立嚴格之稅率聚

歛之謀破壞井田什一之制爲孔孟所深惡痛絕春秋特書魯宣初稅畝魯哀用田賦孟子言暴君汗吏必漫其經界諸侯患其害已而皆去其籍此其義可深思也其最明白之宣言在與其有聚歛之臣寧有盜臣此爲國不以利爲利以義爲利數語故吾人可假定儒家言利之界說在合乎義之利而反乎義之利必在所屏斥者矣後儒不察惟節取罕言利之言致使儒家之精義銷沉至數千年之久豈不可惜近人有言古代學者侈談道義而恥言功利爲財政學不發達之第一原因因此其責當由漢以後之學者負之儒家之開創者固不任責也

▲記第一寄宿舍齋役何以莊調

教務處事

第一寄宿舍諸生致蔡校長函

敬稟者第一寄宿舍內字號齋役名何以莊在齋服務素稱勤謹每於暇時輒以課作求正並嘗持書乞解生等以其身爲僕役不輟於學因詢其家世答稱寒困廢學情辭懇惻聞之慨然及觀其文稿亦清順

通達四書多能背誦洵僕從中所僅見生等仰體先生獎學惠困之心謹特奉陳鈞座倘蒙俯察量才拔調俾任相當職務以示激勵想君子成人之美亦吾師所樂從焉謹附其所作文稿三篇乞檢閱陳寶書李宗裕張澤熙錢王棹張鑄胡吉甫梁國常曹侃邵福崑王棹漢藍芬徐械姚惠璋陳邦濟恩後張傑陳登淮吳家象李仲藩畢榮光程體乾保君建那允範胡慶頤謹啓

校長先生大鑒竊見第一寄宿舍聽差何以莊直隸宛平人年廿五歲遭罹厄家室蕭條老親待養迫爲賤役蒞事以來咸稱勤謹二三好事間問所由打詞以對文采斐然觀其尙志安貧情切梁鴻之操樂飢茹苦事殊季布之鉗夫以迹謝飛馳勢居奔走而戮其所造頗已可觀苟得栽培正未可量允宜比美鸞鳳寧使長隨燕雀請傳令聽差何以莊更衣進見飭賜親諭或假以職守或轉令肄業庶幾玉蘊荆山顯於一旦龜遊綠水樂此長年素仰子淵

能文諒亦難爲責此私情憤發貪陳所知

不勝悚懼之至七年一月二十三日查鈞

忠頓首

▲蔡校長復函

陳李張錢諸君及查君公鑒來函及何以莊所作三篇均悉昔郭林宗於旅舍中躬自掃除美國大學生間有於晨間執洒掃之役或午晚間爲人侍膳者日本大學生有手課餘散報紙或拉人力車者爲貧而沒本非可恥一校之中職員與僕役同是作工並無貴賤之別(法國教育家多入工會東方人或以任教育事業者爲等子官吏誤也)不過所任有難易故工賃有厚薄耳惟何以莊既文理精通不可沒其所長已調入文科教務處任繕寫之務酌增月給藉以勵其好學之誠而歡成諸君之美意且本校對於校役本有開設夜班之計畫他日刻期開課尙須請諸君及其他寄宿舍諸君分門教授必爲諸君所贊成因何以莊事而聯想及之並以聞一月二十五日蔡元培白

▲附錄何以莊所作文一首

自述

僕何人斯敢自矜述然而僕少也賤而於愧天忤人之事所敢自信其無也今不勝犬馬之懼謹爲諸先生一陳家大人年四十五僕兄字清四十有三而生僕既長同入私塾受業于達振儒先生三年有餘時僕年十一矣時有劉厚之李崑山二先生熱心學務組織慈幼學校革去私塾之固習而求功課之維新于是名振西城僕遂與兄同入該校肄業又四年有餘其時景山高等學校招生之告揭於通衢于是又與僕兄報名投考僕兄報作文僕報講書主考命僕講學而時習之之章講罷命退揭榜之期同往一觀則僕竟獲取而僕兄未與焉由是僕與兄遂分學兩地矣後二年餘卒以家貧棄學可勝嘆哉先是家大人在恭王府司地畝之事同事吳桂芬老先生即今文科大学吳鶴艇先生之叔也與家大人甚相契共和肇造恭王出走家大人因以去職而家益落矣因託吳鶴艇先生荐之於本校所以暫耐以待來年僕

兄亦僱充裕國銀行之役使嗟夫棄學失

業流爲僮僕有隱痛焉初僕之賦閒也輒

閱報以掃愁苦無師教友導而對報玩思

或有一得亦無聊中之舉耳僕性寡和故

乏朋友今得追隨于諸先生之左右仍不

失士林之大體亦幸事也嗚呼玄冰未結

不顯青松之茂風教不頹難別皎潔之操

不敏之僕於斯有感閱歷與窮以俱進學

問隨地而增新僕身雖困竊自以心或有

得亦何憂戚傷感之有哉是爲述

▲公衆衛生與個人衛生

(陳鵬)

(二十二日在文科第一教室講演)

(上略)衛生無論公衆與個人其目的則

一曰無非求衣食住之安全而已在公衆

衛生方面若內務之衛生行政其關於衣

食住之衛生處置如

一衣 夏季時取締裸體

二食 設置衛生檢查局檢查市場魚

肉等食品

三住 (一)清潔河流 (二)掃除廢

棄物 (三)取締瘋犬 (四)設傳染病

醫院隔離傳染病患者 (五)下水溝之

安全設置 (六)公共體育場等

在個人方面其關於衣食住之衛生處置

一言以蔽之曰亦無非求肉體與精神上

之安寧使吾人棲息其間得享有健康之

幸福而已惟是我個人之生息永不能離

社會而超然於物外是以吾人從公衆衛

生與個人衛生比較上觀察之以爲個人

衛生實爲公衆衛生之權輿各個體之衛

生能力而薄弱也則各個體所組織之個

羣即無公衆衛生之可言例如今有三十

人之團體羣居一處其間有一人爲任意

便溺隨處涕吐則此團體間所發生之公

衆衛生即爲此任意便溺隨處涕吐之一

人完全破壞無餘地我國人民個人衛生

力量之薄弱早已喧傳是以公衆衛生上

毫無成績之可言即如一千九百十一年

東三省發生鼠疫人民視防疫委員若仇

讐一聞檢查即將患者密藏土坑中其上

復覆以被蓆狀若無一人罹病然不幸而

罹病以死則將屍體匿諸頂蓬之上迨至

一 家族中罹者踵接然後舉家遠颺故當

防疫委員焚屋之際每見有屍體自頂蓬

中落下之怪象又如此次綏遠方面發生

鼠疫不亦有因解剖屍體遂致聚眾羣欲

毆辱伍連德博士乎僕以為此個人衛生

能力之薄弱其故在於僅知有一我而不

知我於社會間復為一組織此社會之分

子也例如有甲乙二人相處一室甲居南

窗乙處於北甲住居範圍之內在甲以為

我可以自由處置矣殊不知近於南窗之

範圍固為甲所佔據而就全室言明明為

甲乙二人所共有既屬共有即有公共衛

生問題此公共衛生之範圍既非僅限於

甲又非僅限於乙所以甲之自身有其個

人衛生之責任而對於乙相互間所發生

之關係即所謂二人之公共衛生問題亦

有甲一分之負擔也今日僕所陳述之意

見所以偏於個人衛生一方面者其主旨

即在於此大概個人衛生極為簡單在諸

君亦已熟知今姑條舉如次

一 衣服嚴守清潔 潔淨則蚤虱等

寄生物即失其生長發育蕃殖之

根據地

二 食物務求清潔 食物之清潔與

否影響於吾人之健康甚大我國

現在尚無衛生檢查局之設置是

以對於食品之販賣毫無取締吾

人惟有慎重選擇食品而已一方

面固可杜絕傳染病之感受(夏

季霍亂赤痢等急性傳染病往往

由於食品之不潔因蠅蚊之介紹

散布菌類而感受)而他方面又

可預防胃腸病之發生

三 居處宜常消毒 居室中宜常灑

消毒藥水以撲滅細菌

四 棄物慎勿堆積 廢棄物之勤於

掃除為個人衛生之要件

五 換氣法之研究 吾人之生息仰

賴于酸素因酸素之吸取而排出

炭酸此在稍受教育者盡能知之

顧吾人於空氣中一方面吸收其

新鮮之酸素而一方面則排出炭

酸以污染之此既被污染之空氣

在吾人生活上有多大之影響其

被污染之數量與夫影響於吾人

生活之程度何若此與個人衛生

有極重要之關係者也據近來報

告謂炭酸量在空氣中佔有0.1%

或1.5%以上則空氣為有害

Perenkov氏定1%為炭酸限量

過此即有罹血行障害及呼吸器

疾病之虞

六 採光法之講求 光綫之充足與

否此不僅與吾人之眼有極大之

關係即與吾人之精神上亦有至

大之影響如晴朗之日覺愉快曇

雨之日覺沉鬱者是且日光缺乏

之室么微體之發生頗甚其生產

物能污染空氣若傳染病細菌則

于陰暗之處能久時保續其生活

而遺害於人

七 煖室法之注意 冬季煖室最為

得流暢之換氣也惟室內溫煖宜

有節制且欲使空氣不致乾燥過

甚計惟置一水壺蒸發為氣散布

室中

上述種種均為個人衛生中之最切要者

如換氣而不得其法採光不足煖室毫無

節制益之以居室不能保持其潔淨則因

空氣不良及煖爐射溫之關係遂致呼吸

淺促且不良瓦斯從而戟刺鼻粘膜因之

發生鼻充血及腺樣增生生物腦受不良瓦

斯之戟刺亦起腦膜充血而感有頭痛據

各家統計學校生徒之罹頭痛及衄血者

甚多 Virehow 氏報告小學生徒七百三

十一人中頭痛者二百九十二衄血者一

百五十五仕學院生徒五百十五人中頭

痛者一百四十三衄血者八十 Kretz

mann氏就 Darmstadt 城小學生徒三千

五百六十四人中頭痛者九百七十四衄

血者四百零五 Pockert氏於同地之仕學

院調查結果謂頭痛下級生徒少而上級

生徒多其百分比例如下 (未完)